

3 YOHANE Yohane Kukū Tiɛfa

¹ Bəmbətə nii Gaio, ami, bafūbanute ɔnɔcfo, nikɔkpana kukū ko mmle nkyesee afɔ wɔ nimbɔmbo ni di nwaako ɔlaa nwu nkpo kame.

² Siɛwo nii biene, kɔpɛ ɔlaa nta Yaa nle lessaa biala kale ninta fɔ nwaa ale faawɛ osie di suoto sina kame fe mmle okle n-ye nle fakpe ni osie niinwuna kame. ³ Suoto late siayɔɔ mi di obe wɔ di bafūbanute bawo lawa babatɔkɔ mi mmle okle feekple fakle ni nwaako ɔlaa nwu nkpo fe mmle okle faakle nwu ni saa. ⁴ Suoto lakple siayɔɔ mi sialenkee di obe wɔ lanu ale babi nii nsi ni nkpa di nwaako ɔlaa nwu kanya.

Bafūbanute Latansa Gaio.

⁵ Siɛwo nii biene, dile ale faabla dibiene fanta bafūbanute, bia mba ninle ni bafɔɔ. ⁶ Mma bamu niawa baabatɔkɔ bafūbanute ba ninkpe ni ninfū mmle okle fambɔmbo ma nii. Nkpo oso kotikititi fɔ lekoto nle kyakaako ma faadiki ma osuku, fe mmle diɛsiɛko ni di Yaa ɔkpɛ ɔbla kame, ale baafuo ni osuku lɛma nwu nkpo ɔkye.

⁷ Diekye baakye ni osuku lɛma ɔkye kasɔ di Kristo ɔkpɛ ɔbla kame yi, mánfū lekyakaako kuninwii bakyeko batii ba ninanfū banu ni nnɛɛ kame. ⁸ Nioso awo Kristo bale dikpe ni buɔkyakaako batii ba mmle okle, buodiki buotuo bulé kubio buyɛ ma kamaa di nwaako ɔlaa lekya nwu nkpo oyie kame.

Yohane Lakakate Aakyeko Diotrefe Ku Demetrio Suoto.

⁹ Lakpana kukū lakyeseed kasiisakō nwu nkpo batii. Kafōo obe wō di Diotrefe lamie ale ootoole ni tunlete kaame lema oso, atakyōo wo ɔlaa atoko. ¹⁰ Nse lewa nfa yi, kamatočo ye assaa ya amuu di Diotrefe labla nii. Mmle okle aalaatika wo ni di suoto ku selaa kpile se aabue ni di suoto loo. Diele bia nninkpo lete, nse bafūbanutē lewa yi, ansī ale ooloofū ma. Antīi batii ba kafōo nikomie ale bafū ma ni osuku, eetososa bawo kafōo eediki di kasiisakō nwu nkpo kame.

¹¹ Siéwo nii biene, tantikanko okpile nkpaamaa, kafōo tikanko dibiene nkpaamaa. Diekye otii lele nimbla dibiene, Yaa ole ale. Otii lele kafōo nimbla okpile yi, aaye Yaa.

¹² Demetrio nnwōo yi, otii biala kōles nwō leyooto biene, fē mmle okle buonya ni nwaako ɔlaa nwu nkpo kaame nōo. Awo kafōo buye nwō kamaa di ɔlaa wō mmle suoto. Faye kafōo fale ɔlaa wō buobue ni nte nkpo.

Yohane ɔlaa Yentele.

¹³ Selaa kpīnwu nkpe mi katōkō fō nii, kafōo noomie nle n-yō kakpanawesee nkpana sī nkye-see fō. ¹⁴ Kafōo nkpe osuku onyu nle kamanya fō di obe kakui kame munkakate anu ku anu.

¹⁵ Atoko ɔkye ole disiēko fō. Basiéwo ləfō bamuu ale bōsēesa fō biene biene. Lēe basiéwo loo bamuu ninfa faasēesa ma onwii onwii fatee. Kose ninfū.

Yaa Kanya Ninii Fole Selεε

Selεε: Yaa Kanya Ninii Fole Selεε New Testament

copyright © 2008 Wycliffe Bible Translators, Inc.

Language: (Selεε)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Feb 2024 from source files dated 29 Jan 2022

b86b27c9-33ee-5380-a452-244df2dc60c6